


永樂大典

卷九百八十一

二支

一百二十八

南海康氏萬木草堂
寶藏 康有為題 孔三
四百六十六年乙卯四月二十四日





Harvard College
Library

顧顯經一舉
陳自明嘗見良之

一
小兒

永樂大典卷之九百八十一

二支

兒

小兒證治十四

小兒慢脾風

論

幼幼新書茅先生方小兒生下。有中慢脾風候。時時吐嘔。頻頻咬齒。手足掣癡。舌卷頭低。兩眼上視。先頭低而次第高。此候久瀉痢。而下冷藥。只止瀉痢。不治得脾。是以脾虛弱。藏腑乘虛。故此所治。先用勻氣散調一日。後便下一醉膏通下。後用治脾散。夾鎮心丸。建脾散。常服之。即愈。若更喘吐五硬如角弓風。死候不治。**玉訣方**小兒慢脾風候。是傷寒疹子。庸醫未明表裏。便即宣利臟腑。更使冷熱藥相通。故小兒發搐。眼不倒。脾困極。不醒手足不收。此病但回陽醒脾。調治方愈。若更吐瀉。必定損命也。**許叔微本**事方治小兒有陽癇。陰癇。慢脾風三證。皆搐搦上視。陽癇者。俗所謂急驚也。陰癇者。俗所謂慢驚也。皆可隨證治之。惟慢脾因吐瀉。脾胃受風。為難治。雖得藥。近世多用生附子。及青州白丸子。金液丹合用之。如醒脾丸。皆

是書藏北京翰林院庫子。亂散出者。已極見。中宣九月。以千金購。以海。市。世。寶。也。康。有。為。



要藥也。楊仁齋直指方慢脾風之候。面青額汗。舌短頭低。眼合不開。困睡中。搖頭吐舌。頻嘔腥臭。噤口咬牙。手足微搐而不收。或身冷。或身溫。而四肢冷。其脉沉微。陰氣極盛。胃氣極虛。十救一二。蓋由慢驚之後。吐瀉損脾。病傳已極。總歸虛處。惟脾所受。故曰脾風。若逐風。則無風可逐。若療驚。則無驚可療。但脾間痰涎。虛熱往來。其眼合者。脾因氣乏。神志沉迷。痰涎凝滯。然爾。世所謂慢風難療者。慢脾風是也。然慢脾一名虛風。凡小兒。或吐或瀉之後。面色虛黃。大勢虛損。若因虛而發熱。繼此。必得慢脾風。纔見搖頭斜視。以手摸人。昏困喜睡。額上汗多。身亦粘汗。其聲沉小而焦。即是脾風之證。不必皆由急慢風傳次而至。又當識之。治法。大要生胃回陽。黑附湯。川烏散。金液丹。白丸子。各半。生附四君子湯。可斟酌用。胃氣漸復。則異功散。葦溫平。而調理之。如蝎附散。陰癇散。靈砂。震靈等。亦可參用。若其眼半開。半合。手足不冷。證候尚在慢驚。則勿用回陽。或已入慢脾。而陽氣未甚脫者。亦不可用硫黃附子。凡服回陽湯劑。手足漸煖者。仍以醒脾散等繼其後。以調之。慢脾下痰。輕者。神保既濟丹。白僵蠶丸。重者。辰砂膏。甚則七寶妙砂矣。慢驚慢脾。逆惡證候。諸藥不效者。如有太衝脉。則取百會穴灸之。此治慢脾風之大要法也。灸百會穴。詳具于後。慢脾身冷粘汗。

直卧如尸。喘嗽頭軟。大小便不禁。背強口噤。頭搖者。最難為力。演山省翁
活幼口議慢脾風候。治法截要議曰。慢脾風候。即是慢驚風所傳。元由吐

瀉脾虛驚與風傳入。故曰脾風。謂其脾家受風。若更逐風。無風可逐。若也
退驚。無驚可療。但有療涎。虛熱來去。兒病至此。所以難醫。蓋由證與候驚
與風。傳經已極。總歸虛處。惟脾所受。何故不曰胃風。胃屬陽。其病即傳陰
臟。故無胃候。兒既尚有胃氣。可以一向生胃。兼與回陽。即漸甦醒。若更一
向攻擊驚風。脾亦不受。而又傳散諸經。不可得而加藥。若見眼合。即是脾
風。宜服下項藥。議治慢脾風。乃是不得已而設。其疾危如燈無油。漸見
昏滅。錢氏所用金液丹。又青州白丸子各半。細研和勻。飯飲薄荷湯下一
錢。半錢許。此乃截風回陽。又一方。以四君子湯。加黑附子末。四分之二。脚
手冰冷者。用和對半。生薑棗子煎與服。此方古人用之。豈不同常所較下
項良方。亦盡世之善也。議治慢驚慢脾。須禁腦麝膩粉。水銀粉霜之類。
及寒涼動臟腑等。或以燥熱。但不可用。只宜回陽醒脾湯。使與服。議慢脾
風候。十箇孩兒。九箇以艾灸之。須當斟酌病候。有已未脉絕之理。若也一
臟絕。即不可用藥。謂如眼無光。指甲黑。四肢垂殫。五體俱冷。並不可勉強
下藥。議慢驚風候。至於痰涎在膈之時。諸臟皆虛。喉中聲如拽鋸。一二

日之間不散。但只閉目。此乃虛之盛也。只是虛痰飽養其氣。未有所知之者。直便下去痰涎。其兒隨時化去。宜用下項妙砂丹。服之乃良。議嬰孩所患。急驚。慢驚。慢脾。三者皆由風痰所作。以漸傳及。未有初得病而便慢脾。或急驚傳來。或即吐瀉。而得久利。其氣虛脫。而得傷寒。表裏俱虛。傳入陰證。亦成慢候。久嗽成癰。亦傳慢候。霍亂吐利。亦傳慢候。脾因久睡。亦作慢候。吐血。亦傳慢候。蠱積衝心。亦傳慢候。肝風筋急。亦傳慢候。大小便閉。亦作慢候。心虛煩躁。亦作慢候。煩渴引飲。亦傳慢候。腹肚疔痛。亦傳慢候。睡裏咬牙。亦傳慢候。日夜汗出。亦傳慢候。走馬疳急。亦傳慢候。諸般丹毒。亦傳慢候。龍帶纏腰。亦傳慢候。膀胱疝。卵腫莖曲。亦傳慢候。莖曲。陰莖勾曲。四體浮腫。亦傳慢候。以上小兒所患諸疾。皆能傳作慢驚風候。由慢驚乃傳作慢脾。脾氣既絕。胃氣已盡。無可得而治療。故也。議嬰孩五臟。易冷。易熱。易虛。易實。醫方並不治腑受病。曰脾不病耳。曰非也。小兒在腑有疾。自愈者有之。在臟不可不治。臟者陰屬。腑者陽屬。謂小兒先陰而後陽。又曰小兒乃純陽之氣。在腑則順。在臟則逆。故前賢皆理其臟。未言治腑也。又腎一臟常主虛。不可攻療。若有腎臟患。但清心肺。緣心與腎。即既濟也。肺與腎乃子母也。無與腎藥。及諸補藥。若治腎臟。即他病發生。故戒止

者。無不入慢候。而斃。惟吐與瀉。利與積。致入慢候。其證速也。虛又速也。宜

不可療。議嬰孩慢候。皆由臟虛。陽虧陰盛。應小兒所患臟病。陽虛陰盛者。無不入慢候而斃。惟吐與瀉。利與積。致入慢候。其證速也。虛又速也。宜用良方治法。循其次第。無不獲安。然其慢驚慢脾。無令速愈。頓瘳之理。既和且平。更用調脾養胃。萬萬不可過劑。用冷熱湯藥。若失之。即吁哉。切切。

新書茅先生方小兒受慢脾風歌

四肢逆冷體沉迷。因宣吐瀉補還遲。脾

胃冷而涎擁肺。心生毒熱面青時。如此呼為慢脾候。更加喘嗽不通醫。

小兒形證論四十八候。慢驚傳慢脾歌。慢脾只因傷取轉。吐瀉虛涎脾胃存。四肢逆冷頻頻嘔。沉困難醒豈易明。脣紅目閉手微搐。病行心藏及

脾神。醫者鎮心為上法。更開關竅細詳論。莫令加喘頭先軟。眼白濛濛命不存。此病是驚風傳入胃。胃無有虛涎。下大青丹一二服。更將搐鼻散。

開關。大青丹。方見急驚風門。搐鼻散。方見本門。次用醒脾散。方見本門。中

又四十八候。慢脾將死候歌。驚入風癇轉在脾。直眠不動卧如尸。搐搦

已休牽掣定。為他安好不生疑。便通大小難收乳。遍體如冰汗若泥。瞋目不開長似睡。睡中不覺赴幽期。又四十八候。慢脾侵肺歌。慢脾多睡

重重取。吐瀉傳脾胃轉虛。逆冷四肢多重困。虛涎脾伏盛難除。生風肺藏添邪擁。任喚千聲氣不舒。莫使目瞑無項軟。十中難保一人甦。湯氏望嬰

孩妙訣總要吐瀉成虛風歌。吐瀉才生便惡心。胃虛脾弱汗相侵。舌出唇緋雙眼閉。搖頭髮直起如針。膈悶氣麤兩脇動。口生瘡白命難任。未生此證宜先治。有瘡胃閉命須沉。又歌曰。未發慢脾先要困。睡中吐舌更搖頭。吐奶作腥生氣息。額頭十顆汗珠流。睡裏多驚驚哭起。面黃脉細最堪憂。醒脾助胃成功効。傷奶依前命也休。吐後生驚歌曰。吐乳從來胃氣實。奶滿胃中生吐逆。吐多遍身有風生。驚邪本是從斯得。吐定無過腦後溫。吐出奶來無變色。先與定吐後祛風。如此醫派無費力。又歌曰。慢脾之候脉微微。昏昏只睡難辯之。或若搖頭并口噤。萬中無有一能醫。凡有此疾。先用奪命散。青州白朮末煎如稀糊。入蜜調。控下涎。然後服祛風醒脾等藥。**經濟小兒保命方書**慢脾風證歌。脾風先要睡。吐舌更搖頭。面青毛髮直。脚手曲如鉤。吐奶腥臊氣。十顆淚珠流。表汗通腸効。只恐瀉不休。慢脾風證。若是急驚傳來。而尚有陽證。其陽即虧。不必回陽。又不可治陽。只可截風調胃。均平陰陽。可冷可熱。可緩可急。是也。慢脾死證。此病屬陰。因吐瀉胃氣虛。變成慢驚。慢脾風。四肢逆冷。面色青黃。沉困氣喘。此是陰盛。後了陽氣不舒。脾胃空虛生涎。肺藏受風氣。膏肓脹滯。此慢驚也。不得下涼藥。取吐。先用發汗藥。迴陽。後下驚藥。如加白瘰

上眼晴若更氣急瀉下黑色嘔逆不治兒候慢驚慢脾二證歌長呼
多困面青黃。嘔乳痰生胃氣傷。風盛延多驚。虛室醒脾利。隔藥為良。若

上眼睛。若更氣急。瀉下黑色。嘔逆不治。死候。慢驚慢脾。二證歌。長呼多困面青黃。嘔乳痰生胃氣傷。風盛涎多驚癇瘵。醒脾利膈藥為良。若有此等形證。可下竹瀝散。及通關梅花飲子。兼與龍麝鵬砂膏。小歸命散。次與勻氣調胃藥。

方

茅先生方活脾散。治小兒慢脾驚風。

羊糞二十一箇焙

丁香一百粒

胡椒五十粒

右為末。每服半錢。用多年東日照處壁上。煎湯調下。

醒脾散。治小兒慢脾風。

馬芹子

白僵蠶

丁香

右三味。等分為末。每服一錢。用炙橘皮湯調下。

一醉膏。治小兒慢脾風。

花蛇鼻

蝎尾

天南星心

川烏臍

大附子側

蜈蚣蟲肚

右六味。各半錢生用。使棗肉五十箇。用前藥研成一塊子。以腦麝滴水。和丸黍米大。每一丸。用薄荷自然汁磨化下。後通下可服。依形候。

用一串藥子調理。

四十八候醒脾散方

天南星一箇去皮臍。用朱砂入在南星臍內令滿。以麴裏慢火炮令黃。

白朮一分

右為末。每服半錢。更入麴少許。煎冬瓜子湯調下。如為丸。以生葱涎丸如粟米大。每服十丸。鵬砂湯下。後與調胃散。方見積熱門中

四十八候搐鼻散

瓜蒂一錢

細辛一錢

右為末。用半字吹入鼻中。打嚏。嚏下。候眼開。便將大青丹下積熱。并下驚涎。後調氣。大青丹。方見急慢驚風門

惠眼觀證沒石散。慢脾候。此藥醒脾

沒石子二箇

朱砂三錢

滑石研

白礬

丁香各二錢

半夏一兩

生薑三兩槌爛。同浸水一椀。將半

夏擘碎。又以水同煮乾。取出。以麴一錢乳鉢內槌爛。搜作餅子。炙熟為末。

右為末。每服半錢。以冬瓜子煎湯調下。不拘時候。

劉氏家傳治小兒慢脾初生者皆可服其狀困睡不醒或啼不已

全蠟兩箇以竹針穿微火炙香熟末之

麝少許

朱砂

西壁土西昭父年者壁泥各半錢細研

右和勻乳汁調下一字二三歲已上量添至半錢或三字亦得又濃煎金銀湯調下又蜜湯亦得

胃虛餅子治小兒吐瀉後生風慢脾者多效久瀉者亦治

丁香五十粒 藿香葉秤一分 木香

韶粉

大附子炮各一基子大一云各二錢

右為末攪勻生薑自然汁作餅子○用麤燈盞內水煮軟化開服或要急用作散子入棗子一枚煎

羗活膏治小兒急慢驚風或因吐瀉後脾胃虛傳作慢脾之疾

羗活

獨活

人參

白茯苓

肉桂

木香

防風已上各三錢

水銀

硫黃

全蠟各二錢

金銀箔各三十片

真麝香一錢

右為細末蜜和為膏每服一黄豆大薄荷湯化下

張氏家傳醒脾去虛風

大附子一錢去皮臍炮

大全蝎七箇

大白附子三箇炮

天麻二錢

右件為細末。每服半錢。濃煎冬瓜子湯調下。

釣藤飲子。治小兒因吐或瀉。體虛發搐。作慢脾。魚口。直視。睡不醒。眼目不開。

釣藤

防風

麝香

麻黃各一分去節用

蝎梢

蟬殼各半分

右為細末。每服一字。半錢。一錢。大小加減。薄荷湯調。入醋一滴調勻。服。如四梢厥逆。入附子三兩片。同水五分。薄荷一葉。煎二分。熱服。連進三二服。或吐瀉體冷多睡。用附子半錢。炮去皮臍為末。或作剉散。白朮一錢。肉豆蔻一箇。甘草炙一寸。棗一箇。水六分。慢火煎至三分。溫二服。作兩服。體便暖。只煎四君子湯。加沉香橘皮。喫五六分。更喫暖驚藥三兩服。乳母忌口。不得再驚。

莊氏家傳小續命丸。治慢脾風。

附子尖一枚

硫黃棗許大

蝎梢七枚

右為末。生薑麵糊丸。黃米大量。兒加減。十丸至百丸。治小兒久瀉。疳羸。尤妙。

治慢脾極妙黑散子

乾薑半兩

甘草一分

右同於一甕合子內。用火煨存性為末。煨須恰好。過則力太慢。不及則性大烈。每服一錢。或半錢。濃煎烏梅湯調下。臨時更看男女大小。加減服之。須是目垂面白。慢脾形候。即與喫。

孔氏家傳治小兒慢脾驚風

右以代赭石。不拘多少。細研。水飛過。研冬瓜仁湯調下。量兒大小。與半錢。或一錢。小兒因轉瀉後。眼戴上。三日不乳。目睛通黃如金色。氣將消絕。止服三服。全愈。

王氏手集治小兒慢脾風萬安散方

厚朴去麁皮。以水一盞煮盡。後細切焙乾。

乾蝎七箇尾梢全

者。每箇用大葉薄荷葉上。用浸着。黃麻纏了。微以薑汁再浸。以竹

節上炙令表裏焦黃色。

白朮湯浸半日。切片子。用蜜塗炙

香黃色。

朱砂各一分。研麻黃半分。長直者。以熱湯浸軟。用

薑汁浸半日

右並搗羅極細。再入乳鉢內。與朱砂研千百遍。每服半錢。或一字。煎金銀薄荷湯調下。但小兒服藥後。微汗出。是效。凡小兒欲作慢驚。必先壯熱。多睡頻吐。若吐止。即驚止。吐不定。作慢驚。號為難治。有此吐證。以金液丹主之。此方傳與人。必不信。但只與藥。金液丹。研開。令細。以滴水為丸。黃米大。用朱砂青黛為衣。每服五十丸以上。以下不濟事。用米飲下。定吐。救生丹。亦甚佳。然有十三四。不能止者。此方百無一失。若有雖止。已成慢脾者。萬安散救之。亦無失者。但費心力耳。不然。十有八九不救。此二方。不可具述。千萬祕之。非至誠好事者。不可妄傳。

吉氏家傳朱砂散治慢脾風。

朱砂

天麻各一錢

僵蠶七箇

天南星一箇

白花蛇項下肉一塊。皂子大。

麝少許

蜈蚣一條

右為細末。每服一字。薄荷湯下。

活脾散治小兒脾困。成慢脾風。

天南星去皮 半夏

白附子各等分

右為末。每服半錢。一錢。小者一字。用冬瓜子七粒。薄荷二片。酒少許。

右為末。每服半錢一錢。小者一字。用冬瓜子七粒。薄荷二片。酒少許。或入水少許。同煎。

朱氏家傳 蝎梢膏。治小兒久病後。或吐瀉生驚。轉成慢脾候。

蝎梢不以多少為細末。一兩用新好者。

右用石榴一枚。開作瓮子。去子。以無灰酒半盞。調蝎末入石榴。以蓋子蓋定。坐文武火上。時時攪動。熬成膏子。取出放冷。每服一錢。用金銀薄荷湯調下。急驚勿服。

治小兒慢脾風。吐衄。霍亂吐瀉。

丁香一錢 藿香三分

右為末。鍊蜜為丸。如菉豆大。每服三丸。或大段吐瀉。米飲下半錢。

安師傳 治小兒慢脾風藥方。小兒衆醫不效。用此藥全可。

附子炮裂去臍 木香不見火 肉苳菟煨 生硫黃用漿水同

煮。赤者不用。其間夾石者須去。

右等分為細末。每用冬瓜子四十九粒。水六合。煎至三合。入藥一錢。

再煎至一合為一服。治身冷汗出。至虛緩搐者。

長沙醫者毛彬傳 銀白散。治小兒胃虛。吐瀉煩渴。成慢脾者。

乾葛

人參去蘆

白茯苓

山藥

白糯米各半兩半夏一分湯洗去滑薑製成餅炒黃

糯米一合淘洗薑汁浸一宿炒黃

右件同為細末每服二錢水八分生薑二片同煎六分溫服

長沙醫者鄭愈傳醒脾散治小兒吐瀉脾虛生風已上二十二方出幼幼

新書

藿香葉

人參

白茯苓各一錢天南星一箇重七

錢者去心入縮沙一錢丁香一錢在南星內上面却用星心末封

口慢火煨熟切碎

右件為細末每服半錢入冬瓜子少許同煎至三五沸溫服

許叔微普濟本事方醒脾丸治小兒脾風因吐利後虛困昏睡欲生風癇

厚朴

白朮

舶上硫黃

天麻各半兩

全蠟

防風

人參

官桂各一分

右為末酒浸蒸餅和丸如鷄頭大每服一丸槌研溫米飲下

又方

全蠟二箇青薄荷葉包煨

白朮指面大二塊

麻黃長五寸十箇去節

右細末。二歲以下一字。三歲以上半錢。薄許湯下。量大小加減服。

人參散。治脾風多困。

人參

冬瓜仁各半兩。天南星一兩。切片。用漿水薑汁煮。

存性

右細末。每服一錢。水半盞煎二三分。溫服。

蝎稍丸。治小兒胎虛氣弱。吐利生風。昏困嗜卧。或潮搐。

全蝎微炒

白附子煨裂各半兩

通明硫黃一兩

半夏一兩切片薑汁製焙乾

右為末。薑汁糊丸如麻子大。每服三十粒。荊芥湯下。更看大小。加減

服

濟急捷用單方萬靈散。治小兒吐瀉。變為慢脾風。百療不能治者。但覺纔

吐瀉。即與服。

右用天南星。可一兩者。先築地為一深坑子。可數寸深。以炭火二三十斤。煨令地赤。以酒一盞許沃之。乘熱置天南星於坑中。急以椀覆令密。候冷取出為末。以防風煎湯調一字。或半字。量兒大小虛實與服。

極有殊效。須得天南星破裂。乃可用。
李樵小兒保生要方 羌活膏。治小兒胃虛吐瀉生風。

羌活

天麻

防風各半兩

人參

白茯苓

蝎酒炒

桂各二錢半

朱砂一錢研

水銀一錢

硫黃一錢重。與水銀同研如泥。

右先將八味為細末。入水銀硫黃勻。煉蜜為膏。每服一皂子大。用荊芥薄荷湯化下。食前服。更量度加減。

楊倓家藏方 銀白散。治小兒吐瀉之後。脾胃虛弱。貪睡露睛。漸生虛風。

人參去蘆頭

白茯苓去皮

白朮

山藥

天麻

全蝎去毒微炒

白糯米炒七味各一兩

甘草一分炙

右件咀咀。每服二錢水六分盞。生薑一片。棗一枚。同煎至三分。去滓。

溫服。乳食空。

醒脾散。治小兒脾困昏睡。面色青白。内生虛風。不進乳食。

人參去蘆頭

白朮

白糯米炒

白附子炮

天麻

酸棗仁生用已上六味各等分

右件為細末。每服半錢。煎生薑棗湯調下。乳食前。

右件為細末。每服半錢。煎生薑棗湯調下。乳食前。

湯民望 **嬰孩妙訣總要** 凡有此疾。宜暫斷乳。控令胃乾。飢甚。當用藥。令乳母釀其妳與之。十救一二。釀乳法。

人參

木香

藿香

沉香

橘皮

神麴

麥蘖

丁香減半餘各等分

右件㕮咀。每服秤四錢。水一椀。薑十片。紫蘇十葉。棗三枚。砂瓶內煮至半椀。乳母食後。捏去妳汁盡。方澄服半盞許。即仰臥霎時。令藥入乳之絡。次令兒喫數口。不過飽。此乃良法也。嘔定一日了。急宜截風。宜服八仙散。兩日後醒脾。方錄于後

八仙散方。治虛風。

天麻

白附子

花蛇肉

防風去蘆

南星炮

半夏麴

冬瓜子

全蝎各等分

加川烏尤妙

右件㕮咀。每服一錢。水半盞。生薑二片。煎至二分。加棗子煎。去滓。有

熱加薄苛

又方

真川烏一枚生去皮臍

全蝎等分

人參二錢

甘草灸一錢

右四件細切分三服水二盞生薑二十片煎至半盞逐旋服
吉州傳醒脾散方用之累驗

白朮

人參去蘆

橘紅

甘草灸

白茯苓

全蝎已上各半兩

白附子炮

南星二枚炮

半夏麴一分木香一分

倉陳米二百粒

右為細末每服一錢水半盞生薑二片棗子半枚煎至二分逐旋服
之不可頓服之必吐

又方定吐

青州白丸子

金液丹各半貼五靈脂一錢

青皮末一錢

右四件一處和劑餅糊丸如黍米大湯加減送下

又方治脾風

附子炮一錢

蝎七枚

白附子三箇炮

南星炮二錢

右末每服半錢水三分盞生薑一片冬瓜子五粒擘破同煎至半分

蓋大小加減

十便良方溫白丸。治小兒脾胃氣虛。泄瀉瘦弱。冷疳洞利。及因吐瀉。或久病後成慢驚。身冷瘕瘕。

天麻二分

白僵蠶

白附子

乾蠟

天南星各一分

右為末。湯浸寒食麵。和丸如菴荳大。於寒食麵內。養七日。取出。不暇

養亦得。每服七丸。漸加至三十丸。空心薑米飲下。即效。

魏氏家藏蠟附散。治小兒吐瀉日久。或大病後生風。時發搐搦。目睛邪視。

手足瘈瘲。胃悶昏塞。身體強硬。角弓反張。史越王授大父文節

天南星一枚。大者重二兩。搥碎附子一枚。重七錢。搥碎

已上二味。生薑四兩。取汁。及好酒一盞。於銀石器中同煮。令汁盡。焙乾。

白附子七枚。炮全蠟七枚。炮

辰砂半兩。別研代赭石二兩。火煨

研細

右件為末。麝香腦子少許。煎薄荷湯調下。不拘時候。少時再進一服。小兒身上有小紅班點出。即驗也。

醒脾散。治小兒慢驚脾困。及大患後。全不進乳食。

大天南星一兩。每箇切作五六塊。用生薑一兩切片。厚朴一兩剉

碎。水三升。煮令南星透。揀去厚朴。生薑。只用南星薄切。焙乾。

冬瓜子一百二十粒。鄭愈方。用三十粒。白茯苓半兩去皮。

右為細末。每服一錢。水半盞。生薑一片。煎三分溫服。或用蟬殼煎湯調下。亦得。

郭彌明方便集。人參溫脾散。治慢脾風。大治脾虛胃冷。作吐瀉。此藥極溫調脾胃。

人參 白茯苓 白朮炮 肉豆蔻麴煨

木香 黃芪剉 白附子 藿香

陳皮湯浸去白焙乾 白僵蠶直者佳 防風

羌活 冬瓜子仁微炒取仁 山藥

芎藭已上各半兩 北南星半兩。每箇破作四分。同醋

塗黃土煑內一點。黃豆大白為度。洗出泥用。甘草一錢炙微赤

右為細末。三歲兒。每用一錢。水一盞。薑三片。淮棗一箇。煎至五分去滓溫服。不計時候。量兒大小加減。又宜服四君子湯。

楊仁齋直指方黑附湯治慢脾風盛四肢厥冷生胃回陽

附子炮去皮三錢

木香一錢半 白附子一錢

甘草炙半錢

右剉散每服三字薑五片煎取其半以匙送下若手足煖而蘇省即

止後劑

川烏散驅風回陽

真川烏生一分全蠲

木香各半分

右為末每服三字薑四片煎取其半旋滴入口中嘔吐者加丁香

金液丹

方見痼冷類白丸子等分祛風回陽二藥為末每服半錢陳米飲

調下

生附四君子湯助胃回陽四君子湯加生附子末四分之一厥逆者對加

每服半錢薑五片慢火熟煎以匙送下

蠲附散回陽氣豁風痰

全蠲七箇

附子炮二錢

南星炮

白附子炮

木香各一錢

右為末每服半錢薑四片慢火熟煎旋服

陰痢散。祛風豁痰。回陽正胃。

白附子

黑附子

南星

半夏已上並生各

一分半

右為末。井水浸七日。逐日換水。浸訖。控乾。次入全蝎末二錢。每服一

字。薑湯調下。

靈砂正胃回陽。能止嘔吐。溫利痰涎。但瀉者宜用為細末。以少許米飲調

下。或用糕糊丸。如粟米大。兒兩三丸。米飲灌下。

震靈丹。方見痢冷類。治慢脾風。吐瀉不止。每服一丸。研細。人參南木香煎

湯。乘熱調下。

已上諸藥溫熱。並乳食前服。

神保既濟丹。方見傳慢驚門。
白僵蠶丸。方傳慢脾。陽氣未甚脫者可用。亦能截風。

牛膽釀南星二錢

全蝎焙

直僵蠶炒

錢子地龍乾 五靈脂各一錢

右為末。水煮生半夏糊丸。麻子大。每服五丸。薑湯下。

辰砂膏。治慢脾冷痰壅滯。手足冷而微搐。

黑附子一枚。八錢重者去皮臍。頂上刺一孔。入辰砂末一錢重。用附子末塞之。以炭火三斤。燒存性為度。

南星炮半兩

白附子炮

川五靈脂

蝎梢各一分

右為末。煉蜜丸桐子大。每服一丸。生薑汁泡湯調下。

七寶妙砂丹。利痰奇效。慢驚慢脾通用。須以木香佐之。開元通寶錢背後。上下有兩月片者。其色淡黑。頗小諸錢。以一箇放鐵匙頭。於炭火內燒。少頃四圍上下。各出黃白珠子。將出候冷。傾入盞中。只作壹服。南木香煎湯送下。人參煎湯亦得。

本事人參散。治慢脾風。神昏痰盛。

人參半兩

丸白。天南星一兩。切片。以生薑汁并漿水各半。慢

火煮帶性曬

右末。每一錢。水一盞。薑三片。冬瓜仁搗細少許。同煎取半盞。作兩三

次灌下

木香湯。治慢風。慢脾。得效。

南星濕紙煨

白附子焙

天麻

木香

橘皮

白茯苓

石蓮肉各一分黃耆

白朮

石菖蒲

甘草灸各半分

右為麤末。每服半錢。薑棗煎服。

助胃膏。治慢風吐瀉。不進乳食。

人參

白朮

石蓮肉各二錢 丁香

檀香

舶上茴香炒

白豆蔻

木香

甘草灸各一錢

右為末。粟米糊丸。桐子大。每一丸。陳米飲調下。脾困不醒。用冬瓜子仁煎湯下。

沉附湯。治慢脾風。厥冷吐瀉。

沉香

丁香

木香

黑附子炮

白附子焙

全蝎焙

藿香

天麻各等分

右為末。每半錢。灸甘草。生薑煎湯調下。身溫則去附子。

演山省翁活幼口議。白殭蠶丸。治嬰孩慢脾風候。痰涎潮盛不化。宜與此方。

製牛膽五味者一分

五靈脂川者 全蝎炒

白殭蠶去絲炒 錢子地龍

半夏末各一錢 用生薑汁浸

右件為末。水煮半夏末糊。丸如麻子大。每服三十九。煎金銀薄荷湯。

右件為末。水煮半夏末糊丸。如麻子大。每服三十丸。煎金銀薄苛湯下。議曰。脾家有風。乃虛所致。驚搐所由生也。痰涎是故作也。陰癇不暴。其實駭腎。若也意急投之。衝烈愈見害重。誠為不可。所以禁却腦麝。通利關竅之藥。悉無利益。治者所宜者。今選用妙方。頓以活人。白僵蠶丸。一味去痰。尤能截風。既已傳入慢脾。則風痰混致。驚熱交臨。醫工看候。藥用當權。未敢決之可否。候未脫去陽者。直宜與服之。若陽虧陰盛。至危至急。候變非常。精神色脉。駭於人情者。當服下項良方。

附礪丸。治嬰孩小兒。慢脾風候。四肢冷厥。服之尤佳。

黑附子尖二箇去皮生用

蝎梢七箇

熟礪黃末一錢匕

右件為細末。生薑自然汁。和丸如菉豆大。每一歲二十丸。米飲下。黑附湯。治慢脾痰盛。四肢逆冷。

黑附子炮取末二錢重

白朮一錢

南星炮一錢

甘草炙

半夏各一錢湯洗七次

右咬咀。每服二錢。水小小盞。生薑三小片。棗一箇。煎至半。去滓。通口以匙挑與服。所覺手足煖。其候漸醒。藥即止之。

辰砂膏。治嬰孩小兒慢驚風。傳慢脾風候。有冷痰在膈。潮作不散。此疾虛久。不可頓下。其兒搐緩。昏困至重者。宜服此方。

大黑附子。一箇八九錢重者。去皮臍。頂上刻一孔。入粉霜硃砂各半錢。內在孔中。用附木塞。燒灰存性。

天南星炮半兩

蝎梢

羌活各一分

朱砂半兩飛過

右為末。以朱砂和勻。煉蜜為丸。鷄頭子大。每服一丸至兩丸。煎金銀薄荷湯。入酒五滴。點化與服。議曰。此三方皆用黑附子。直不可執謂性熱。兒在幼小。疑與服之。其兒患脾風。脚手冷者。有微有暴。審其輕重。輕即用湯。盛即以丸。重即以膏。服之皆效。須候手足煖。陽氣回。即為之快矣。既以溫煖。更以醒脾。正胃藥兼服。除是慢驚。傳入慢脾候。方可與服之。硫黃其功甚速。又且逐風化痰。醒脾正胃。溫煖臟腑。補益腸胃。奪命回陽。省活危困。至良至驗。切不可倉皇妄投丸散。或爾大過不及之時。則致咎于後。方宜乎受。不至誣誕。故也。

七寶妙砂丹。治嬰孩小兒慢驚風。及慢脾候。神情昏困。膈上有虛痰。不能得化。不可服巴豆輕粉。恐動臟腑。只將神仙所留妙方與服。其痰須臾自下。良久神情已定。眼目微開。漸與溫平藥。調理胃氣。兼順理驚風藥與服。

勿更攻擊。其方乃一文開元通寶銅錢。其錢背上下有兩月字。只有一箇

下。良久神情已定。眼目微開。漸與溫平藥。調理胃氣。無順理驚風藥與服。

勿更攻擊。其方乃一文開元通寶銅錢。其錢背上下有兩月子。只有一箇月子者不用。錢色淡黑。頗小諸錢。將錢頓鐵匙頭。於炭火內燒霎時。四維上下各出黃白珠子。遍弦都是。將出候冷。傾放茶盞中。入朱砂末少許。只作一服。煎金銀薄苛湯送下。多收此錢。准備緩急。或先燒成珠子收拾亦得。此方墜下小兒虛痰。別無它作證候者。用之乃保十全。功效無可疑訝。

錢樣

(一)

議曰。調治嬰孩小兒。慢脾風候。無過前件藥對證尅效。須審慢脾已傳未傳之理。其兒眼開未合。尚在慢驚。脚手不冷之時。未可便與回陽。且與七寶妙砂丹。一二服。眼合沉困。陰證極盛者。方可與服回陽。凡服回陽醒脾湯劑。手足漸暖。仍與觀音全蝎散。及醒脾散兼服。凡慢脾風候。最為惡證。只可全方調治。雖曰緊急。不得併雜用之。泛泛。不惟無益。枉勞其功。虛延其候。閑養其疾。此疾傳陰。陰重病盛。如燈無油。只見次第脫去。若不助陽生胃。只知截風去驚。兒疾轉見增重。且兒陰證未至十分。與藥加其寒涼。攻得陰重。陽虧難以救療。若也失其陽氣。隨陰而化。所謂制之在始。無在於末。醫慢脾風證候。如其所

述用藥。猶可救治。若鄙夫意見不同。難以省活。噓哉。
備急纂要方救小兒慢脾風及脾積灸方。

黃連

草麻

乳香各等分

右三味為末。捻成餅子。臍心內灸五七壯。腹內響。可治。不響。則難治也。
又方。來復丹十四粒。青州白丸子二十八粒。硃砂一鷄頭大。麝香當門子一箇。右研為細末。燈子煮棗子二箇。取肉為丸。如蘿蔔子大。每服三十丸。溫熟水下。量大小加減之。

經濟小兒保命方書治小兒嬰孩。因驚而發。吐瀉住後。外證多睡。眼慢不能開。變成慢驚。慢脾之候。四稍微冷。目睛碧色。或因天吊。急驚。搐搦。久則傳成慢候也。若有前項形證。宜便下竹瀝散。

全蝎十四枚。每箇用薄荷兩葉裹定。以黃麻酒浸軟。纏定。用竹筋夾在火上炙。令黃。去索。只用蝎。南星一箇。重二錢。研碎。用良薑一分。青皮一分。同南星炒。令黃。只用南星。犀角一分。鐵煆粉好者二錢。重。辰砂一分。牛黃半錢。

腦子

麝香各一字

右作末。以磁合收之。凡小兒有前項形證。半歲一字。一二歲半錢。燒。

竹瀝數滴。蕩荷湯放溫。溫調勻灌下。服此藥後。目開。四稍溫。可相。

竹瀝數滴。蕩荷湯放溫。溫調勻灌下。服此藥後目開。四稍溫暖。可相夾保壽散。赤霞散。勻氣散。白朮散。與調理。更下一二服。通關梅花飲。

子龍麝鵬砂膏。則疾自除。不再作也。

艾元英如宜方全蝎散。治因吐利成驚風。胃虛神昏。困乏搐搦。欲成慢脾。

黃耆炙

人參

天麻各二錢

木香

甘草炙

蓮肉製各一錢

扁豆炒二錢

茯苓一錢半

白芷

全蝎

防風

羌活各一錢

右吹咀。棗煎。不拘時溫服。

孫氏仁存方小來復丹。治小兒慢脾驚風。似搐而不搐。此名瘈瘲。似睡而四肢與口中氣溫。合睡露睛。或啼哭如鴉聲。此病得之於大病之餘。吐瀉之後。或誤取轉藥。致脾胃虛損。風邪乘之。此證已危矣。其脉過命關難治。法當與通關竅。進乳食為先。方在泄瀉類

太白再生丸治證如前

陽起石煨酒淬生硫黃

南星

大附子炮去皮臍

右等分為末。用蒸餅為丸。如菉豆大。陳米飲下五丸。至七丸。丁沉散治證如前。

丁香

沉香

人參

白茯苓

白朮炒

白糯米炒

右等分為末。每服半錢。飯飲調下。看大小加減。

曾世榮活幼心書固真湯。主吐瀉痢後。胃虛脾慢。四肢口鼻氣冷。沉困。不

省人事

人參去蘆

附子湯浸炮裂去皮臍

白茯苓去皮

白朮四味各二錢半

山藥去黑皮

黃耆蜜水塗炙

肉桂去麤皮

甘草濕紙裹煨透四味各二錢

右件㕮咀。每服二錢。水一盞。薑三片。棗一枚。煎七分。空心溫服。或無時

天麻飲。治慢脾風。搖不省人事。

天麻明亮者 川烏炮裂去皮臍二味各半兩

右件㕮咀。每服二錢。水一盞。薑三片。慢火煎。若稀糊。無時動與溫服。

危亦林得効方黑附湯。治慢脾風。面青額汗。舌短頭低。眼合不開。睡中搖

頭吐舌。頻嘔腥臭。噤口咬牙。手足微搐。不收。或身冷。或身溫。而四肢冷。其

脉沉微。陰氣極盛。胃氣極虛。十救一二。蓋由慢驚之後。吐瀉損脾。病傳已

極。總歸虛處。惟脾所受。故曰脾風。若逐風。則無風可逐。若療驚。則無驚可

療。但脾間痰涎。虛熱往來。其眼合者。脾困氣乏。神志沉迷。痰涎凝滯。而然

極總歸虛處。作脾所受。故曰脾風。若逐風。則無風可逐。若療驚。則無驚可療。但脾間痰涎。虛熱往來。其眼合者。脾困氣乏。神志沉迷。痰涎凝滯而然。爾世所謂慢風難療者。慢脾風是也。

附子炮去皮三錢

木香一錢半 白附子一錢

甘草炙半錢

右剉散。每服三錢。水一盞。生薑五片。煎取一半。以匙送下。若手足暖而蘇省即止。

川烏散驅風回陽

真川烏生一分 全蝎去毒

木香各半分

右為末。每服三字。生薑四片。煎取其半。旋滴入口中。嘔吐加丁香。

金液丹。青州白丸子。祛風回陽理痰。二藥等分為末。每服半錢。陳米飲調

下。方見大方科。癰冷類。青州白丸子。方見風科。通治類。

生附四君子湯助胃回陽

右以四君子湯。加生附子末四分之一。厥逆者對加。每服半錢。薑五片。慢火熟煎。以匙送下。

蝎附散回陽氣豁風痰

全蝎七箇去毒 附子炮二錢

南星炮

白附子炮

木香各一錢

右判散。每服半錢。水一盞。生薑四片。慢火熟煎。旋服。

靈砂。正胃回陽。能止嘔吐。溫利痰涎。傷瀉者勿用。研為末。以少許米飲調下。或米糕丸。如粟米大。小兒兩三丸。米飲灌下。方見大方科痢冷類

震靈丹。治慢脾風。吐瀉不止。每服一丸。研人參南木香煎湯。乘熱調下。
表當時大方濟生散。治吐瀉後。壯熱多睡。眼目上視。時發驚悸。手足瘳癢。

成慢脾風。庸醫輩妄用銀粉下之。頃時作定。復作如故。十無一存。

厚朴去麤皮。用甘草五寸拍破。水二碗。文火煮。令水減半。去甘草。

不用。只用厚朴干末一錢。

白朮片切。蜜炙。黃色。一錢。

人參一兩

陳皮去白。

五味

紫苑

乾薑炮。

杏仁各七錢半。去皮尖雙仁。

肉桂去麤皮。

甘草炙。各半兩。

右為細末。每服三錢。水一盞。生薑三片。棗子一箇。煎至七分。食前溫服。

人參散。治脾風多困。

人參

冬瓜仁各半兩。南星一兩。切片。漿水薑汁煮。存性。

右為細末。每服一錢。沸湯調下。

右為細末。每服一錢。沸湯調下。
小兒慢肝風

論

幼幼新書治小兒形證論。四十八候。慢肝風歌。孩兒眼澀羞明日。春不宣
兮夏不通。秋被毒風傷肺得。次傳肝腎別尋蹤。先調五臟患方退。退得肝
風便有功。蓋為小兒元氣壯。此名立號慢肝風。此病肺與肝相克。見日
眼不開。未出月有目腫者。或出血者

方

甘膽湯。四十八候慢肝風。羞日。目腫出血。甘草一截。以豬膽塗炙。

右為末。每服半錢。米泔調下。

四十八候云。又欲去血。目澀不開方。

蒼朮不以多少。入在膽中。線縛定。煮熟。將藥氣衝眼。後更嚼藥。以汁
咽吐。滓尤妙。

小兒胎驚

論

和劑局方論小兒胎驚證。胎驚風者。因乳母觸冒寒暑。邪氣傷入於胎中。

生兒之後。洗浴當風。冷觸於臍。邪氣不除。變成胎驚之候。百日之內。頻頻煩躁。啼哭無時。目睛上視。睡中搐搦。或身冷頭面赤。糞如青黃水者。可與保生散。每服一字。薄荷乳汁調下。更用琥珀丸。調理乳母。更用服和氣藥。調理張渙醫方妙選。謹按嬰兒在母胎中之時。腑臟未具。神氣微弱。動靜喘息。莫不隨母。母有所動。胎必感之。母若調適失宜。食飲不節。喜怒不常。坐卧當風。遇酒房勞。一切禁忌。致生下兒。形多怯弱。頭顱開解。或乳養失理。洗浴當風。則令兒壯熱吐衄。心神不寧。手足抽掣。身體強直。眼目反張。此乃胎驚風病也。飛仙論胎驚候。說云。凡母懷胎之日。曾受驚氣。傳入胎中。致孩兒生下青紅色。口唇時動。夢裏多驚。五心常熱。顙門不合。動多驚叫。身體壯熱。此胎驚候也。楊仁齋直指方。其有初生百日。頻頻吐衄。呵來噴去。睡裏多驚。眼翻肚脹。手足緩急。煩躁多啼者。當作胎驚風裏之。夫胎驚風。以胎婦調適乖常。飲酒嗜欲。忿怒驚撲。母有所觸。胎必感之。或外挾風邪。有傷於胎。故子乘母氣。生下即病也。其候月內溫壯。顰眼握拳。噤口咬牙。身腰強直。涎潮嘔吐。搐掣驚啼。腮縮顙開。或頰赤。或面青。眼合。胎風眼合。不可誤作慢脾。妄用溫藥。其有着噤撮口之類。亦此一種之所發也。視其眉間。氣色紅赤鮮明者。可治。若黯黑青黑者。不治。虎口指紋。曲入裏。

者可治。紋反出外者。不治。治法。解散風邪。利驚。七延。周氣。貼顙。甚則以朱。

視其眉間。氣色紅赤鮮明者可治。若黧黑青黑者不治。虎口指紋曲入裏

者可治。紋反出外者不治。治法。鮮散風邪。利驚化涎。調氣貼顙。甚則以朱銀丸利之。**石壁經**三十六種胎驚候歌。未出胎中一月來。母驚成患子

臨胎。腰宜哭時先口撮。面青拳搐縮雙腮。眼閉咬牙筋脉急。風髓經云。眼

閉膠生。注云。眼有眵。此是受氣之時。若陰氣弱。則胎易驚而落也。陽氣弱。

則胎難驚而落也。陽弱。則手足細。肌肉瘦。陰弱。則肉稍甚。然皆不能盡其

天年。若日月滿。因驚而落者。使口撮腮臉起如拳。鼻多塞。口噤不開。甚不

可作驚風醫。先當微發汗。次治驚調氣。乳母當服調氣藥。孩兒貼顙門去

邪。任喚千聲。眼不開。醫者見形。須問母。方知此患所從來。退却風涎為治

療。涎去驚邪自不回。失次則目瞑不開。若先治驚。則作吐或瀉。在秋夏必

作脾風。始初見之。亦不可作脾風治。恐汗不出。而作別候也。風髓經歌括

一同。仍注云。與烏犀膏。次與生銀丸。二方與玉訣同。並見急慢驚風門中。

小兒形證論。四十八候胎驚歌。一同後說云。此患在胎中時。母受驚。生下

後。二十五日發。是也。若不定。或三十五日。別日者。不是胎驚。醫人不識。多

作驚風悞矣。目閉腰直。腮縮拳握。只與蚘螂凡下涎。方見一切癇門中。或

下半丸大青丹。方見急慢驚風門中。**湯氏望嬰孩妙訣**總要胎驚歌。纔

出胎中一月來。母驚成患子臨胎。面青拳搐牙關緊。腰直身強哭泣哀。身

熱涎潮難得睡。睛斜眼閉不忤開。欲知病本原因母累及孩兒帶得來。退熱鎮驚為妙手。風涎墜下命須迴。經濟小兒保命方書胎中驚。憂懼胎中累受驚。生來緣此病停心。身肌軟弱唇乾縮。戰慄多啼睡不寧。臉鼻淡青兼目碧。印堂浮紫患將深。靈丹次第安心府。免致孩兒性命傾。小兒胎中累受驚。則心氣不足矣。若有此候。當用安神壓驚鎮心丸散。檢方主之。若有印堂浮紫。痰涎吐沫。上搐搦不時者。皆為惡候也。

方

顛顛經牛黃丸治小兒胎驚及癇或心熱

牛黃

龍齒

馬牙硝

鐵焰粉各一分

右為細末。鍊蜜丸。

如梧桐子大。每日乳食前。熱水調破一丸灌下。令

母忌口

張漢醫方妙選聖星丹凡諸癇皆宜服之。曾經大効

天南星。揀四十九箇。一般大者。五月五日取活蝎。四十九箇。用瓦器內盛。以鹽泥固濟。吊於淨室中。至臘日取出。揀天南星蝎蜇着處。有小竅子者。其餘不用。只將蝎蜇天南星。以酒浸一宿。焙乾。碾為細末。次用好辰州朱砂一分。細研水飛。真牛黃麝香龍腦各一

為細末。次用好辰州朱砂一分。細研水飛。真牛黃。麝香。龍腦。各一

錢研細

右件再一處研拌勻。用生薑汁和如梧桐子大。每服一粒至二粒。煎人參薄荷湯化下。神驗。

白金散治諸癰。潮發不省者。

好白殭蠶半兩。揀淨湯洗。炒微黃色。搗羅為細末。次用

天竺黃一分。細研。

真牛黃一錢。麝香。

龍腦各半錢。並細研。

右件同拌勻。每服半錢。用生薑自然汁調。放溫灌之。

烏金膏治胎癰。潮發頻併。

烏梢蛇一條。水浸去皮骨。酒浸一宿。焙乾。

蠶紙一張。燒灰。

蟬殼半兩。

全蠋半兩。

已上搗羅為細末。次用

好朱砂半兩。細研水飛。

龍腦。

麝香各半錢。細研。

金箔二十片。細研。

右件一處研勻。煉蜜和成膏。如皂皂大。每服一粒。煎人參薄荷湯化下。

大一散凡胎癰病差亦宜常服

天漿子二十一箇乾者微炒

乾蝎梢二十一箇

防風半兩剉 天麻半兩

已上搗羅為細末次入

朱砂半兩細研水飛

麝香一錢細研

右件再研細每服半錢乳汁調下

天南星煎方治胎癰潮發遲省

天南星一兩微炮

白附子一兩

乾蝎半兩炒

白花蛇一兩酒浸去皮骨炙令黃

天麻半兩

已上搗羅為細末用好酒兩大盞攪令勻於慢火上燉不住手攪以

酒盡為度次入

好朱砂半兩細研水飛

膩粉一分

牛黃半錢

麝香半錢

龍腦半錢並細研

右件都入膏子內一處和看硬軟成膏如皂皂大每服一粒取竹瀝

化下不計時候

祛風散治胎癰多啼呌

祛風散。治胎癰多啼叫

胡黃連半兩取末

全蠋一分取細末

犀角一分屑取末

天竺黃一分別研

麻黃一分去節為末

右件都研令勻細。每服半錢。研入麝香一字。乳汁調下

鐵粉散。驚風或多面赤口乾。大便秘利。尤宜服

鐵粉半兩研 真珠末一分別研

鬱金一分研

胡黃連取末一分

牛黃一分研

右件拌勻研細。每服一字。溫蜜湯調下

羗活膏治胎癰。昏困不省

羗活一兩

烏蛇肉一兩酒浸一宿焙乾

獨活一兩

天麻半兩

全蠋半兩

白殭蠶半兩微炒

人參半兩去蘆頭

右件搗羅為細末。煉蜜和成膏。每服一皂皂大。用麝香荊芥湯化下
麝香膏治胎癰。不得安卧

麝香一分研 牛黃一分

全蠋二十一箇取末

白附子一分取末

蠶蛾一分微炒取末

白僵蠶一分微炒取末

右件都拌勻研細煉蜜和膏如皂皂大每服一粒煎人參荊芥湯化

下

銀珠丹治胎癰昏困涎盛

乾蝎一分微炒天漿子一分微炒

露蜂房一分微炒

已上三味擣羅為細末次用

朱砂半兩細研水飛

水銀一分用黑鉛一分同結為砂

子細研

牛黃一錢細研麝香一錢細研

右件都一處拌勻研細用白麵糊和如黍米大每服五粒煎金銀薄荷湯下乳後

朱砂膏治胎驚

朱砂

粉霜

輕粉

水銀砂子各一錢

乳香

牙硝各半錢

右為末入麝香少許棗肉為膏如皂角子大煎胡湯化下

切切新書

孔氏家傳治小兒胎驚涎盛不飲乳

半夏一枚灰火內炮令黃色研令細生薑自然汁為丸如粟大乳

汁下一丸無時服

半夏一枚。灰火內炮令黃色。研令細。生薑自然汁為丸。如粟大。乳

汁下一丸。無時服。

王氏手集如聖消驚丸。治新生兒在胎中之時。其母宿挾驚憂喜怒。舉動驚胎。致兒生後。常饒驚悸。眠睡不穩。精神恍惚。搖頭上視。溫壯多睡。反折啼叫。口眼相引。

羚羊角屑

犀角末

麝香各一分

牛膽釀

天南星四兩

天麻

人參

白茯苓各一兩

白僵蠶炒

全蝎炒各半兩。朱砂一兩三錢半。

龍腦一錢

右件為細末。煉蜜為丸。一兩作八十丸。一方加朱砂一兩。牛黃一分。每服一丸。麝香湯化下。兒小塗乳上。令吮之。常服。磨一切驚癇。右方

載切切新書

湯民望嬰孩妙訣總要胎癇曰胎驚者。兒在母腹中。十相具足。或妊婦驚

怪。顛撲失驚。而心主血脉。應之於胎。故生下未滿月。而發驚者。是也。初生嬰兒。難以用藥。凡有此候。急取猪乳細研辰砂。牛黃各少許。調抹口中。功效不可具述。此法諸家方書。並不曾載。自余傳之始。東宮吳觀察。新得一子。及一月病。此因用之驗。今已一周。又入麝香當門子。尤佳。

又方。胎癰驚風。皆可服

全蝎頭尾全者。用生薄荷葉裹外。以麻線纏。火上炙燥為度。碾為末。別研生朱。麝香各少許。煎麥門冬湯調下

楊仁齋直指方太一散。治胎驚

天漿子去殼微炒

南星

白附子各微炮

天麻

防風

茯苓各二錢

全蝎

朱砂各一錢

麝少許

右為末。每服半錢。乳汁化下

參蝎散治胎驚。定心神

天漿子

天竺黃

人參

朱砂

全蝎

天麻

蟬殼等分

麝少許

右為末。煉蜜丸。桐子大。每服一九。金銀湯下

猪乳膏治胎驚最妙

琥珀

防風一錢

朱砂半錢

右為末。猪乳調一字。拭入口中

全蝎散。治諸驚胎癰

全蠲散。治諸驚胎癇。

全蠲一箇焙 琥珀 朱砂各少許

右為末。每服一字。麥門冬煎湯調下。

獨活湯治胎驚發散風邪

羌活 獨活各一分 檳榔 天麻

麻黃去節 甘草炙半份

右剉散。每服半錢。水煎服。於內加南星末。蜜調。可貼顙用。

朱銀丸。治胎風壯熱痰盛。翻眼口噤。取下胎中蘊受之毒。亦治驚積。但量用之。

水銀一錢蒸棗肉研加泥 白附子一錢半 蝎一錢

南星一分 朱砂一分 天漿子 牛黃

蘆會各半份 鈆霜半錢和水銀研 腦子一字

麝半錢 直僵蠶炒七箇

右為末。粟米糊丸。芥子大。每一丸。薄荷湯下。如未通利。加至二丸。千金龍膽湯。治胎驚。月中痰盛發熱。凡臍風撮口。壯熱。皆可用。

龍膽草 鈞藤 柴胡 黃芩

北梗 赤芍藥 茯苓 甘草炙各半兩

蜚蜋二枚去翅足炙

大黃二分濕紙煨

右為末。每服一錢。北棗煎服。或加防風麥門冬。以導心熱。黃芩減半用。

朱麝散。治胎風。心熱痰壅。

人參

朱砂各一分

牛膽南星

天竺黃

牙硝

鐵粉各半分

麝少許

右為末。每服一字。生薑薄荷湯調下。

危亦林得効方。治兒在胎中受驚。故生未滿月而發驚。

右用朱砂研細。同牛黃少許。取猪乳汁調稀。抹入口中。入麝香當門

子。尤妙。

小兒驚悸

論

太平聖惠方論曰。夫小兒驚悸者。由心藏壅熱。為風邪所乘。邪搏於心。則

令多驚不安。驚不已。則悸動不定也。聖濟總錄論曰。心藏神而惡熱。小兒

體性多熱。若感風邪。則風熱搏於府藏。其氣鬱憤。內乘于心。令兒神志不

寧。故發為驚。若驚甚不已。則悸動不寧。是為驚悸之病。演山省翁活幼口

議。恐悸喘息。議曰。驚悸屬心。喘息得同而言否。愚曰。非心主之。若心所受。

其疾不作喘發。是知肝臟鬼。肺臟鬼。鬼不安。恐悸傷乎肝肺。肺受其驚。

議恐悸喘息。議曰。驚悸屬心。喘息得同而言否。愚曰。非心主之。若心所受

其疾不作喘發。是知肝臟鬼。肺臟鬼。鬼鬼不安。恐悸傷乎肝肺。肺受其驚而受其喘。須求水飲。肝受其驚。發喘細細。若張口大喘者。肝肺俱不利。鎮心安神。調氣定喘。必未盡善。當於損益。鬼鬼丸散。瀉心補肝。立見功效。所述疑難。是請探賾。毋踰高志。經濟小兒保命方書。驚悸客忤證歌。累累連驚恐。心虛膽積憂。額青浮碧色。津液出唇流。目上牙微噤。膏肓似搦潮。安神兼正胃。早治自然瘳。小兒驚悸客忤。乃累遭驚撲。氣虛而作也。只是此證辨虛實。檢方對藥調理。若見四肢悚慄不止。面色黑。目上視無光。涎流不收。牙噤氣冷。此證不治。

方

外臺必效方。釣藤湯。療小兒壯熱。時氣驚悸。并熱瘡出。

釣藤

人參

炸蟬炙

子芩各一分

蛇蛻皮炙三寸龍齒四分碎

防風

澤瀉各二分

石膏一兩碎竹瀝三合

右十味切。以水二升。并竹瀝煎取七合。細細服之。以差為度。

又方

茯神二分

炸蟬炙二分

人參三分

釣藤一分

牛黃兩大豆許研

杏仁十二枚去皮研

龍齒碎

麥門冬去心各四分

蛇蛻皮三寸炙末之

右九味切以水二升煎取六合去滓下牛黃末分六服消息服之令盡差

太平聖惠方茯神散治小兒心熱驚悸煩亂

茯神三分

龍齒半兩

寒水石一兩

川升麻三分

石膏一兩

麥門冬一兩去心焙

甘草半兩炙微赤剉

右件藥搗麤羅為散每服一錢以水一小盞煎至五分去滓入竹瀝半合更煎一兩沸量兒大小以意加減

人參散治小兒驚悸情思不安

人參半兩去蘆頭

麥門冬一兩去心焙

龍骨一兩

茯神三分

甘草半兩炙微赤剉

犀角屑半兩

右件藥搗麤羅為散每散一錢以水一小盞煎至五分去滓入地黃汁半合更煎一兩沸量兒大小以意加減溫服

蚱蟬散治小兒風熱驚悸

蚱蟬半兩去翅足微炒

茯神半兩

龍齒三分細研

炸蟬半兩去翅足微炒

茯神半兩

龍齒三分細研

麥門冬半兩去心焙

人參三分去蘆頭

釣藤三分

牛黃二錢細研杏仁二分湯浸去皮尖雙仁麩炒

微黃

蛇蛻皮五寸燒灰

右件藥搗細羅為散入研了藥都研令勻每服以新汲水調下半錢量兒大小加減服之

遠志煎治小兒身體壯熱驚悸心神不寧宜安心神

遠志去心

羚羊角屑

茯神

甘草炙微赤剉

杏仁湯浸去皮尖雙仁麩炒微黃

紫苑洗去苗土

龍骨

防風去蘆頭已上各半兩

龍膽一分去蘆頭

炸蟬一分去翅足

百合一分

牛黃一分細研

麝香一分細研川升麻三分

川大黃一兩剉微炒

酥三兩

蜜半斤

右件藥先研牛黃麝香二味為粉除酥蜜等二味麝搗用水三升入

銀鍋內煎至半升以新綿濾去滓却入鍋內下牛黃麝香酥蜜等以柳篋不住手攪慢火熬如稠餳方止入瓷合內盛每服取兩豆許大

用溫水調服。日三四服。量兒大小。加減服之。
鐵粉煎。治小兒心熱多驚悸。晝差夜甚。象鬼神所著。

鐵粉一兩

牛黃一分細研 菖蒲三分

酥三兩

犀角屑

人參去蘆頭

茯神

百合

防風去蘆頭

川大黃剉碎

青黛細研

細辛

遠志去心

芎藭

麻黃去根節

薯蕷

甘草炙微赤剉已上各半兩

蜜半斤

右件藥先麤擣諸藥。用水三升。入銀鍋中煎至半升。以新綿濾去滓。却入銀鍋內。入研了藥。及酥蜜。以慢火熬。不住手以柳篋攪如稠餳。收於瓷合中。每服以溫水調二大豆許。日三四服。量兒大小。加減服之。

金泥煎。治小兒心熱多驚悸。

金薄七十五片 水銀一兩半

遠志一兩去心

菖蒲三分

龍膽三分去蘆頭

龍齒三分

人參三分去蘆頭

赤茯苓三分

青黛一分

酥四兩

麝香一分

虎睛一對炙 牛黃一分

甘草一分炙微赤剉

蚱蟬三枚去足翅

蜜半斤

釣藤二分

右件藥水銀金薄同研如泥。又別研麝香虎睛牛黃青黛四味如粉。其餘藥搗篩為散。入銀鍋中。先以水二升。文火煎取半升。以新綿濾去滓。再入鍋內下酥蜜及金泥并研了藥等。慢火煎。不住手以柳篋攪如稠餳。入瓷合內盛。每服取二大豆許。以溫水調服。日三四服。量

兒大小加減服之。

天竺黃丸。治小兒驚悸壯熱黃瘦。不思乳食。

天竺黃細研

黃連去鬚

柴胡去苗

羚羊角屑

蔓荊子

犀角屑

防風去蘆頭

子苓

川升麻

麥門冬去心焙

甘草炙微赤剉

玄參

白蒺藜微炒去刺

朱砂細研

木香已上各一分

龍腦細研

麝香細研

牛黃細研已上各一錢

右件藥搗羅為末。與研了藥都研令勻。煉蜜和丸。如菉豆大。每服以

溫水化下五丸。量兒大小。以意加減。

牛黃丸。治小兒驚悸壯熱黃瘦髮豎。

牛黃一錢細研朱砂半兩細研水飛過

犀角屑

天竺黃細研

白附子炮裂

茯神

黃連去鬚

羚羊角屑

防風去蘆頭

玄參

枳殼麩炒微黃去瓢

甘菊花

人參去蘆頭

黃耆剉

甘草炙微赤剉

黃芩已上各一分

右件藥搗羅為末入研了藥都研令勻煉蜜和丸如菉豆大每服以

淡竹葉湯研下五丸日三四服量兒大小加減服之

天竺黃丸治小兒壯熱驚悸不得眠睡

天竺黃細研

黃連去鬚

川大黃剉碎微炒

牡蠣粉

黃芩

梔子仁

遠志去心已上各

半兩

右件藥搗羅為末煉蜜和丸如菉豆大每服以新汲水下五丸量兒

大小加減服之

竹瀝磨犀角飲子治小兒心熱驚悸

竹瀝二合

犀角

右件藥將犀角於竹瀝內磨令濃量兒大小分減服之日三四服

靈苑方抱龍丸鮮一切熱化風痰治大人小兒風癇驚癇陽毒狂躁及心

熱驚悸夜卧不安胃膈壅痰厥頭痛心神恍惚等疾翰林院方

熱驚悸夜卧不安胃膈壅痰厥頭痛心神恍惚等疾翰林院方

天南星一斤生朱砂細研水飛紫石英研飛白石英研飛

犀角錯末各一兩牛黃研阿膠剉碎炒如珠子

藿香麝香研各半兩金箔五十片雄黃水磨通明者

四兩研

右件一十一味。搗羅細研為末。更入乳鉢內研如粉。以黃牛膽四十
五箇取汁和丸如櫻桃大。每服一丸。以鹽一捻和藥細嚼。新水吞下。
如牛膽少。以煎水相和。諸疾服之。心膈清涼如冰雪。便覺精神爽快
也。

辰朱虎睛丸。壓驚悸。鎮心藏。兼治小兒諸驚癇。此方栢溫恭進過甚有功效

辰錦朱砂 白茯苓 黃芩 山梔子仁

人參各一兩 虎睛一對 用人牛黃 腦麝

犀角屑各一分 鈞藤 大黃用濕紙裹煨熟各四兩

右件一十二味。並搗羅為細末。以煉蜜為丸。如雞頭肉子大。每服一
丸。至二丸。用金銀湯下。人參湯亦得。已上二方。載幼幼新書

聖濟總錄 紫金散。治小兒驚悸不安。

鐵粉 龍腦 石膏 牛黃並研如粉

甘草生用各一分

右五味。先搗龍齒石膏為末。與諸藥同研如粉。每服半錢匕。用淡竹瀝調服。三四歲兒。每服一錢匕。日三服。早晨午間。日晚各一。量兒大小。以意加減。

釣藤湯。治小兒壯熱。時氣驚悸。并熱瘡出。

釣藤一兩

人參一兩

蚱蟬微炙去翅足一兩

黃芩去黑心一兩

蛇蛻皮微炙令黃色三寸

龍齒研如粉一兩

防風去叉半兩澤瀉半兩

右八味。麤搗篩。一二歲兒。每一錢匕。水半盞。入竹瀝半合。石蜜少許。同煎至四分。去滓。分溫二服。空心午後各一服。更量兒大小。以意加減。

人參湯。治小兒壯熱驚悸。并熱瘡出。

人參三分

茯神去木半兩龍齒研如粉一兩

釣藤一分

蚱蟬去足頭翅微炙二枚

麥門冬去心焙一兩

杏仁去雙人皮尖麤炒令熟一兩半

蛇蛻皮微炙令黃

二寸

右八味。麤搗篩。一二歲兒。每一錢匕。水半盞。煎至三分。去滓。入牛黃

右八味。麝香。一。二。歲兒。每一錢。水半盞。煎至三分。去滓。入牛黃。

一豆許大。分溫二服。空心午後各一。量兒大小。以意加減。
牛黃散。治小兒心熱驚悸。

牛黃研一分。天竺黃研半兩。白茯苓去黑皮半兩。鉛白霜研半兩。
玄明粉研一兩。人參半兩。

右六味。搗羅人參。茯苓為末。同牛黃等研為散。一二歲兒。每服半錢。
用薄荷湯調服。三四歲兒。每服一錢。日三服。早晨午間。日晚各
一。量兒大小。以意加減。

大丹砂丸。鎮心神。涼咽膈。壓驚悸。退壯熱。化風涎。

丹砂研水飛過。甘草炙。白茯苓去黑皮各二兩。
人參一兩。馬牙消研一分。蓬砂研三錢。牛黃研半錢。

龍腦研。麝香研各一錢。

右九味。搗研為末。鍊蜜和丸。如雞頭大。每服一丸。用竹葉湯化下。食
後臨睡服。大小以意加減之。

丹砂丸。治驚悸。退壯熱。止涎嗽。利咽膈。除眠睡不穩。

丹砂二兩。細研水飛。半夏湯洗七遍。二兩。
乳香研半錢。人參。白茯苓去黑皮各半兩。

天南星炮裂一兩

牛黃研三錢

龍腦研一錢

右八味。搗研為末。用白麵糊和丸。如麻子大。三歲兒服十九。至十五

九。不拘時。用竹葉乳香湯下。量兒大小加減。

天竺黃散。治小兒驚熱。筋脉抽掣。夜卧驚悸。四肢煩熱。

天竺黃研半兩。鬱金漿水煮一分。

粉霜研一分。

鉛白霜研一分。山梔子仁半兩。

右五味。搗研為散。一二歲兒。每服半錢匕。用新汲水調服。三四歲兒。每服一錢匕。日二。早晨日晚各一。更量兒大小。以意加減。

麥門冬湯。治小兒虛熱驚悸。睡中時叫。

麥門冬去心焙一兩半。

人參半兩。

龍骨一兩。

茯神去木三分。甘草炙一分。

犀角屑半兩。

右六味。麝搗篩。一二歲兒。每服一錢匕。水七分。入生地黃汁少許同

煎。至四分。去滓溫服。日三四服。量兒大小。以意加減。

茯神湯。治小兒風熱驚掣。心忪恐悸。

茯神去木一分。龍齒半兩。

寒水石研一分。升麻三分。

石膏研一兩。

麥門冬去心焙三分。

右六味。麝搗篩。一二歲兒。每服一錢匕。水七分。入竹瀝少許。煎至四分。去滓。溫服。日三夜一。量兒大小。以意加減。

真珠丸。治小兒風熱。心神驚悸。睡卧不安。

真珠末

麝活去蘆頭

防風去叉

釣藤

龍膽

天竺黃研

升麻

牛黃各一分

茯神去木

人參

羚羊角屑

犀角屑各一兩

鉛霜

龍腦

麝香各一錢研

右一十五味。搗研為末。鍊蜜丸如棗豆大。每服用荊芥薄荷湯研下。

五丸。日三四服。常服。化一切驚涎。

大鎮心丸。治小兒精神不爽。寢寐多驚。心忪恐悸。四肢戰掉。舉動欲倒。狀

類暗風。或煩躁多啼。退驚風。化痰壅。壯心氣。益精神。

生犀角鎔末一兩

羚羊角鎔末

龜甲鎔末

赤箭各半兩

牛黃研

茯神去木

遠志去心

真珠末研

人參

桂去麝皮

天竺黃研

蛇脫皮炙令焦黃

龍腦研各一分 鐵粉研一兩

麝香研

菖蒲各半兩

丹砂研半分

金薄研

銀薄研

右一十九味。搗研為末。鍊蜜丸如梧桐子大。每服一九。至二九。食後

臨卧。薄荷湯化下。更量大小加減。

金薄丸。治小兒驚悸。眠睡不穩。

金薄 四十九片 丹砂

水銀

膩粉 各半兩

麝香

牛黃

青黛

犀角末

白僵蠶 直者炒 蟬殼 去土

白附子

乾蝎 去土炒

天麻 酒浸一宿 焙乾

麻黃 去節

天南星 炮 各一分

右一十五味。青黛已上七味研勻。餘者搗羅為末。同七味再細研。用生蜜和勻成劑。旋丸如梧桐子大。每服一九。薄荷自然汁化下。量兒

大小加減

鄭端友金嬰方寧心膏。治小兒精神不定。恍惚不寧。恐畏多哭。如人將捕。

眠睡驚魘。常服鎮心。除百病。

人參

白朮

白茯苓

茯神

山藥

羌活

甘草 炙 各一錢 朱砂 二錢

腦麝 各一字

右為末。煉蜜丸如鷄頭大。二歲一丸。薄荷湯化下。
李杲小兒保生要方朱砂膏安神鎮心。去痰熱。小兒常用。

人參

茯神

防風

山藥

甘草炙

黃耆蜜炙

麥門冬去心各半兩

朱砂六錢研

麝香半字

右為細末。研勻。煉蜜丸如櫻珠大。金箔為衣。每服半粒。或一粒。薄荷

湯化下。不拘時候。

七寶丹治驚悸。安睡去風。

人參半兩

紫河車一分

白茯苓一分

龍齒一分

甘草一分炙

麝香一錢研

右同為細末。煉蜜丸如雞頭大。每服半丸。薄荷湯化下。不拘時候。

楊倓家藏方百枝膏治小兒稟賦怯弱。易感驚邪。心神恍惚。眠睡不安。常

服。安心神。壓驚悸。

人參去蘆頭

防風去蘆頭

天麻三味各一兩

白附子炮

麥門冬湯浸去心焙乾秤

白僵蠶炒去絲嘴

羌活去蘆頭

石菖蒲五味各半兩

朱砂二錢別研

麝香一錢別研

右件為細末。次入朱砂麝香研勻。煉蜜為丸。每一兩作四十丸。每服

一丸。溫荊芥湯化下。食後臨卧

酸棗仁丸。治小兒心神不安。眠睡不穩。常服。壓驚邪。寧眠睡。

酸棗仁炒

人參去蘆頭

朱砂別研

乳香別研四味各

二錢

白茯苓去皮

真珠末二味各一錢

右件為細末。煉蜜為丸。每一兩作四十丸。每服一丸。荊芥湯化下。二歲以上兒。服二丸。食後

疾。**魏氏家藏方**安神丸。治小兒驚。鎮心藏熱。化痰涎。小兒常服。永無驚悸之

琥珀如無。以茯神代之

人參去蘆

遠志去心

天麻

花蛇肉酒浸去骨

白附子炮

麻黃去節

羌活

大川烏炮去皮臍

蟬蛻洗去土。并去白筋

南木香不見火。真珠末

白僵蠶直者炒去絲

全蝎生薑汁炙。各半兩

朱砂二錢別研

金銀薄各三十片別研入

麝香一錢別研

右為細末。煉蜜為丸。如龍眼大。朱砂為衣。一丸作四服。用薄荷湯下。

治小兒鎮心。壓驚。墜涎。

朱砂細研。急水飛過。

白僵蠶炒去絲。取直者洗淨用。

白附子濕紙裹。煨。候冷取出切片。

天南星炮。剉去麤

皮。各半兩。

麝香半錢別研。乾蝎一兩。慢火炒令熟。

右為細末。麵糊為丸。如粟米大。每服十丸。煎金銀薄荷湯下。如遇驚。取下痰涎後。且以此藥服一二服。無不効驗。或有虛汗。用麻黃根煎

湯下。

龍腦青金丸。鎮心壓驚。退潮熱。治盜汗。殺疳蛔。療腹大。醫瀉痢。安五臟。益顏色。治瘡疥。長肌膚。

腦麝一字別研。青黛別研。

雄黃水飛別研。朱砂別研。

胡黃連

蘆會

膩粉別研各一分

右為細末。猪膽浸蒸餅為丸。如菉豆大。曬乾。入甕。器內貯之。每服二丸至三丸。一切驚悸。體熱瘡疥。薄荷湯下。一切疳氣。瀉痢。蛔蟲。米飲下。常服。百病不生。

辰砂安驚丸。理風熱涎盛。身體拘急。睡中不穩。鎮心止驚。

天麻

甘草炙

白附子炮各一分

人參去蘆

防風去蘆

茯神去木各半兩

川芎二錢

朱砂二錢半留為衣子

右為細末。煉蜜為丸。如鷄頭大。每服一丸至兩丸。用薄荷荊芥湯下。大朱砂丸。治小兒心氣不足。不省人事。多恐懼。

朱砂別研

人參去蘆

石菖蒲

遠志去心

麥門冬去心

甘草炙

茯神去木各半兩

酸棗仁去皮炒別研

全蠟石灰炒去毒

杏仁去皮尖各一分

麝香少許別研

右為末。煉蜜丸。如鷄頭大。每服半丸。煎木香。麥門冬湯化下。八物參朮丸。平補心氣。安神鎮驚。除胃熱痰實。

麥門冬去心

遠志去心

菖蒲

茯神去木

白茯苓去皮各一兩

白朮半兩炒

人參一兩去蘆頭

牛黃二錢別研

右同為細末。次研入牛黃。煉蜜丸。如黍米。以朱砂為衣。每服二三十

右同為細末。次研入牛黃。煉蜜丸如黍米。以朱砂為衣。每服二三十

丸。熟水下。

小定志丸。治嬰孩稟賦不足。心神睡卧不寧。常服。壓驚邪。止夜啼。

酸棗仁去皮炒。人參去蘆。

白茯神各二錢。去木。

遠志去心。水洗。微炒。一錢。

乳香半錢。別研。

右為末。煉蜜為丸。如粟米大。每服二十粒。別研生朱砂為衣。人參湯下。

陳自明管見。大金良方。金箔鎮心丸。治小兒風壅痰熱。心神不寧。驚悸煩

渴。唇焦。頰赤。夜卧不安。謔語狂妄。

人參洗去苗。

茯苓去皮。

甘草各五十兩。山藥。伯五十兩。

朱砂研飛一百兩。

麝香五兩。研。龍腦十兩。

牙消。枯過一十五兩。

金箔一千二百片。為衣。

紫河車用黑豆水煮軟。切片。焙乾。二十五兩。

右為細末。煉蜜為丸。每一兩半。作五十丸。以金箔為衣。每服一丸。薄

荷湯化下。含化亦得。食後臨卧常服。安心鎮神。散邪熱。涼咽膈。止驚啼。

五福化毒丹。治小兒蘊積毒熱。驚惕狂躁。頰赤咽乾。口熱生瘡。夜卧不寧。謔語煩渴。頭面身體多生瘡癬。

玄參洗焙

桔梗各六兩

茯苓去皮五兩人參去蘆

牙硝枯過

青黛研各二兩甘草剉炒一兩半

麝香研半錢

金銀箔各八片為衣

右為細末入研藥勻。煉蜜為丸。每兩作十二丸。一歲兒一丸。分四服。薄荷湯化下。及瘡疹後餘毒。上攻口齒。涎血臭氣。生地黃自然汁化。一丸。用鷄翎掃在口內。熱疳。肌肉黃瘦。雀目。夜不見物。陳粟米泔化下。食後臨卧服。

楊仁齋直指方溫膽湯治驚悸煩痰

半夏製

枳實各二錢半茯苓半兩

橘紅

甘草各一錢半

酸棗仁溫湯浸去殼二錢半

右剉散。每服一錢。入竹茹少許。用薑棗煎服。定心丸。治驚悸煩躁。

北參

遠志薑製焙

伏神

天麻

犀角各一分

防風

朱砂一錢

麝香一字

右為末。煉蜜丸。皂子大。金箔為衣。每服一丸。薄荷湯調下。御藥院方安神丹。治小兒心神不寧。因卧多睡。及痰涎壅塞。恍惚不定。

御藥院方安神丹治小兒心神不寧因卧多睡及痰涎壅塞恍惚不定

朱砂 人參各二錢半 南乳香半兩 酸棗仁炒去皮一兩

遠志去心一錢半用淨數

右五味為細末蜜丸如榛子大金箔為衣每服一丸人參湯下每兩作三十丸

丹砂鎮心丸治小兒心神不寧有時驚悸目睛偏視痰涎不利甚則瘈瘲服之安鎮心神罷驚止搐

朱砂一兩飛研牛黃一錢 生龍腦 麝香各一錢

鉛白霜 天竺黃各二錢並細研 天麻明者二兩

人參 茯苓白者去墨皮 甘草炙各半兩

右一十味為細末與研藥同研勻細煉蜜丸如鷄頭實大每服一丸

煎金銀薄荷湯化下

曾世榮活幼心書茯神湯治心氣不足虛而驚悸日常煩哭及嬰孩生下

羸瘦多驚宜子母同服自然有效

茯神去皮木根一兩 人參去蘆 當歸去蘆尾酒洗

二味各半兩 甘草炙三錢

右件咬咀每服二錢水一盞煎七分無時溫服有微熱煩躁入麥門

冬去心。同煎

表當時大方安神丸。治上焦多熱。驚悸不已

麥門冬各半兩去心

馬牙硝

白茯苓去皮

乾山藥

寒水石

朱砂一兩

甘草

龍腦一字

右為細末。煉蜜丸如芡實大。每服半丸。砂糖水調下

永樂大典卷之九百八十一

pfMS Chinese 6

THE HOUGHTON LIBRARY

*61M-172 PF

永樂大典卷之九百八十一

重錄總校官侍郎臣高拱

學士臣瞿景淳

分校官編修臣王希烈

書寫儒士臣宣鵠

圈點監主臣敖河

臣李繼文

冬去心。同煎

袁當時大方安神丸。治上焦多熱。驚悸不已

麥門冬各半兩去心

馬牙硝

白族苓去皮

乾山藥

寒水石

朱砂一兩

甘草

龍腦一字

右為細末。煉蜜丸如芡實大。每服半丸。砂糖水調下

永樂大典卷之九百八十一

吾況以圖書集成爲清朝巨典，初及以世以永樂大典
爲巨又抄本藏之，中禁地人間所見自徑康子，叔又
散在外國，余亟欲印之，而吾所難之，小者亮故，吾亦以
雖重錄以永樂大典，此山之石，餘亦物之可寶者，
更生記

